

ХАМТЫН АЖИЛЛАГАА

Геологийн мэдээллийн “Монгеокат” систем нэвтрүүлэв

О.БАТЖАРГАЛ

Ашигт малтмал, газрын тосны газар (АМГТТ) болон Австрали улс хамтран “Монгеокат” систем нэвтрүүлснээ өнгөрсөн баасан гаригт мэдээлэв. Геологийн мэдээ, мэдээллийг олон улсын жишигт нийцүүлэх, хэрэглэгчдэд түргэн шуурхай, бодитоор хүргэх чиглэлээр Монгол Улсын геологийн мэдээллийн каталог (Монгеокат) системийг тус улстай хамтран нэвтрүүлсэн нь энэ аж. “Монгеокат” нь геологийн мэдээллийн хураангуйг хэрэглэгчдэд хүргэх зорилготой хоёр бүрэлдэхүүн хэсэгтэй нэгдсэн систем юм. Хэрэглэгч энэ системээс веб газар зүйн мэдээллийн орчинд орон зайн хайлт хийж, төрөл бүрийн суурь зураг, жижиг, дунд масштабтай геологи, сансрын зургууд, ашигт малтмалын ордуудын байршил зэргийг хайх боломжтой болжээ.

АМГТТ-ын дарга Б.Баатарцогт “Монгеокат систем нь Австрали улсаас манайд суугаа Элчин сайд Жон Лангтригийн хэрэгжүүлсэн томоохон ажил. Энэ цахим үйлчилгээг орчин үеийн технологид суурилуулан байгуулах ажилд гүн туслалцаа үзүүлсэн тус улсын Засгийн газар, хамтарч ажилласан хүмүүст талархал илэрхийлье” гэв.